

Molaodi wa ka Oakbay o filwe kahlolo ya mengwaga ye 10 thwii kgolegong

Tshwane, 8 Disemere 2021 – Khomišinare wa Ditirelo tša Motšhelo tša Afrika Borwa, Mrn. Edward Kieswetter, o amogetše kahlolelo ya mengwaga ye 10 kgolegong ya Molaodi wa Oakbay Trading Mrn. DP Naik. Mrn. Naik o be a latofaditšwe ka molato wa bomenetša le go tlola Molao wa Khasetomo le Motšhelophahlogae morago ga go fana ka ditokumente tša maaka tša kišontle gomme a romela disekerete morago ka go mmaraka wa Afrika Borwa ntle le go lefela makgetho le metšhelophahlogae bakeng sa tlišogae le kišontle.

Mrn. Naik o bolela gore khamphani e rometše ntle disekerete go ya Zambia. Dikišontle di ile tša nyakišišwa gomme di laeditše go ba dikišontle tša bofora. Bomenetša bjo bja go efoga makgetho le metšhelophahlogae yeo e lefelwago go disekerete.

O ile a ahlololwa makga a mahlano a bomenetša le go tlola karolo ya 80 (1) ya Molao wa Khasetomo le Motšhelophahlogae. Go ya ka bohlatse bjo bo filwego ka Kgorotsheko ya Selete ya ka Johannesburg, palomoka ya tshekamelo go SARS ke R18-million.

Mrn. Kieswetter o ile a lebogiša sehlopha sa dinyakišišo le tirišanommogo ya Taolelo ya Botšhošiši bja Bosetšhaba (NPA) bakeng sa go dira kahlolelo le kgolego.

“SARS e tlogile e bolela leboeletša gore setheo se tla thatafaletša le go lefiša dikotlo go balefela motšhelo le bagwebi bao ba robago molago ka boithaopo le go nyatša tagafara ya SARS ya go koleka ditseno.

“Re tloga re ikgafetše go thuša balefela motšhelo le bagwebi bao ba nyakago go obamela ka boithaopo boitlamo bja bona bja semolao. Dikanale tše mmalwa tša ditšithale di dirilwe mo mengwageng go nolofaletša balefela motšhelo bao go kgona go obamela.

“Kahlolelo ye le kgolego di swanetše go romela molaetša wa go hleka gore SARS ga e kgotlelele maitshwaro a bjalo a bomenetša gomme e tla diriša maphekgo ka moka ao a lego gona go golega dinokwane tše,” Mrn. Kieswetter o boletše bjalo.

Go hwetša tshedimošo enngwe, ikgokaganye le SarsMedia@sars.gov.za